



Broj: 02-04-3285-7/22  
Sarajevo, 10.02.2022. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo”, broj: 36/14 - Novi prečišćeni tekst i 37/14 - Ispravka) i člana 23. Zakona o organizaciji organa uprave u Federaciji Bosne i Hercegovine (“Službene novine Federacije Bosne i Hercegovine”, broj: 35/05) Vlada Kantona Sarajevo, na **64.** sjednici održanoj **10.02.2022.** godine, donijela je

## ZAKLJUČAK


1. Prihvata se Izvještaj o realizaciji Plana povratka u i iz Kantona Sarajevo za period 01.01.-31.12.2021. godine, sa osvrtom na problematiku obezbjeđenja alternativnog-privremenog smještaja i Plan povratka u i iz Kantona Sarajevo za 2022. godinu.
2. Izvještaj iz tačke 1. ovog zaključka dostavlja se Skupštini Kantona Sarajevo na nadležno odlučivanje.

**P R E M I J E R**

**Edin Forto**

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo za rad, socijalnu politiku, raseljena lica i izbjeglice Kantona Sarajevo,
6. Evidencija,
7. A r h i v a.



Bosnia and Herzegovina  
Federation of Bosnia and Herzegovina  
**CANTON SARAJEVO  
ASSEMBLY**

Broj:  
Sarajevo,

Na osnovu čl. 117. i 120. Poslovnika Skupštine Kantona Sarajevo ("Službene novine Kantona Sarajevo", broj 41/12 – Drugi novi Prečišćeni tekst, 15/13, 47/13, 47/15, 48/16, 9/20 i 14/20) i člana 23. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05), Skupština Kantona Sarajevo, na sjednici održanoj dana \_\_\_\_\_ 2022. godine, povodom razmatranja Izvještaja o realizaciji Plana povratka u i iz Kantona Sarajevo za period 01.01.-31.12.2021. godine, sa osvrtom na problematiku obezbjeđenja alternativnog-privremenog smještaja i Plan povratka u i iz Kantona Sarajevo za 2022. godinu, donijela je slijedeći

Prijedlog

## ZAKLJUČAK

Usvaja se Izvještaj o realizaciji Plana povratka u i iz Kantona Sarajevo za period 01.01.-31.12.2021. godine, sa osvrtom na problematiku obezbjeđenja alternativnog-privremenog smještaja i Plan povratka u i iz Kantona Sarajevo za 2022. godinu.

Broj:  
Sarajevo,

**PREDSJEDAVAJUĆI  
SKUPŠTINE KANTONA SARAJEVO**

**Elvedin Okerić**

11.02.2022.  
15,09



# OBRAZLOŽENJE

## I - PRAVNI OSNOV

Pravni osnov za donošenje ovog zaključka sadržan je u čl. 117. i 120. Poslovnika Skupštine Kantona Sarajevo - Drugi novi prečišćeni tekst ("Službene novine Kantona Sarajevo", br. 41/12, 15/13, 47/13, 47/15, 48/16, 9/29 i 14/20) kojim je propisano da Skupština donosi Ustav, zakone, budžet i izvještaj o izvršenju budžeta, prostorni plan Kantona, poslovnik Skupštine, odluke i zaključke, deklaracije, rezolucije, preporuke i smjernice i daje autentična tumačenja zakona ili drugog akta te da zaključkom Skupština može zauzeti stav o pitanju koje je razmatrala, uključujući utvrđivanje obaveza za Vladu i kantonalne organe uprave u pogledu pripreme zakona ili drugih propisa i općih akata ili vršenja drugih poslova iz njihovog djelokruga.

Pravni osnov sadržan je i u članu 23. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05) kojim je propisano da organi uprave prate stanje u oblastima za koje su osnovani, a koje se prvenstveno odnosi na stanje izvršavanja zakona i drugih propisa, te na osnovu prikupljenih podataka izrađuju analitičke, informativne i druge materijale koje dostavljaju nadležnim izvršnim i zakonodavnim organima vlasti na razmatranje u cilju upoznavanja tih organa sa stanjem u određenoj oblasti i potrebom preduzimanja odgovarajućih mjera.

## II – RAZLOZI ZA DONOŠENJE

Izrada ovog Izvještaja je programski zadatak planiran Programom rada Ministarstva, Vlade Kantona Sarajevo i Skupštine Kantona Sarajevo za 2022. godinu.

Na području Kantona Sarajevo na dan 31.12.2021. godine evidentirano je 2.495 lica (1.137 porodica) sa priznatim statusom raseljenog lica, od čega 281 lice (103 porodice) sa prijeratnim prebivalištem u općinama Kantona Sarajevo, 80 lica (37 porodica) iz drugih kantona Federacije BiH i 2.134 lica (997 porodica) iz drugih entiteta.

U poređenju sa brojem raseljenih lica/podrođica na dan 31.12.2020. godine (kada je bilo evidentirano 2.527 lica (1.161 porodica) vidljivo je da je broj porodica sa priznatim statusom raseljenog lica na dan 31.12.2021. godine manji za 32 lica (24 raseljene porodice). Ukidanje statusa za ukupno 32 lica (24 raseljene porodice) rezultat je najvećim dijelom ukinutih statusa licima za koja je utvrđeno da posjeduju uslovnu stambenu imovinu u mjestu privremenog boravka na području Kantona Sarajevo.

Izraženo u procentima smanjenje broja raseljenih lica u izvještajnom periodu, na godišnjem nivou iznosi 1,27 %.

Zaključno sa 31.12.2021. godine za 169 lica (59 porodica) je obezbijeđen privremeni smještaj, kako slijedi:

- 62 lica (23 porodice) koje su bile smještene u objektu Kolektivnog centra u Hrasnici (31 lice (13 raseljenih porodica) i 31 lice (10 porodica u stanju socijalne potrebe) sada su smješteni na slijedeći način: 4 porodice koriste privremeni smještaj u socijalnim stanovima u naselju Otes; za 18 porodica Ministarstvo plaća stanarinu/kiriju i 1 porodica (samac) je smješten u KJU "Gerontološki centar".

- 17 lica (4 raseljena porodice) koriste stanove za koje nije podnesen zahtjev za povrat imovine;

- za 73 lica (24 porodice) smještaj je obezbijeđen u stambenoj zgradi u Ilijašu (38 lica (13 raseljenih porodica) i 35 lica (11 porodica u stanju socijalne potrebe) i

- za 18 lica (9 porodica) sa statusom „žena-žrtva rata“ smještaj je obezbijeđen u stambenoj zgradi u Tarčinu, općina Hadžići.

U izvještajnom periodu, finansirani su troškovi zdravstvene zaštite, mjesečno u prosjeku za 204 raseljena lica, koja nisu zdravstveno osigurana po drugom pravnom osnovu.

Nastavljene su aktivnosti na realizaciji Projekta "Izgradnja objekta kolektivnog stanovanja, lokalitet Šip, Općina Centar za stambeno zbrinjavanje interno raseljenih porodica i porodica u stanju socijalne potrebe" - II faza. Radi se o projektu kojim će se izgraditi 24 stana za stambeno zbrinjavanje interno raseljenih porodica i porodica u stanju socijalne potrebe sa područja Općine Centar Sarajevo.

Nastavljene su aktivnosti na realizaciji Projekta CEB II "Zatvaranje kolektivnih centara i alternativnih smještaja u Bosni i Hercegovini kroz omogućavanje javnih stambenih rješenja."

Ovaj Projekat se provodi kroz 2 (dva) podprojekta u Kantonu Sarajevo i to:

a) Podprojekat Kanton Sarajevo "Rekonstrukcija Kolektivnog centra Hrasnica", Općina Ilidža u okviru kojeg je predviđena izgradnja 33 stana za raseljene porodice i porodice u stanju socijalne potrebe u koje će se useliti sadašnji korisnici smještaja u Kolektivnom centru Hrasnica i jedan broj porodica koje trenutno koriste neki od vodova alternativnog smještaja na području Kantona Sarajevo.

b) Podprojekat Kanton Sarajevo, Općina Hadžići "Izgradnja objekta kolektivnog stanovanja/zgrade sa 9 (devet) stanova u Tarčinu, Općina Hadžići. Kroz ovaj projekat će se izvršiti zbrinjavanje raseljenih lica i porodica u stanju socijalne potrebe (model socio-stanogradnje-socijalno stanovanje).

Kada je u pitanju podrška održivom povratku Ministarstvo je u 2021. godini dodjelom finansijskih sredstava kroz implementaciju objavljenog Javnog poziva za podnošenje prijave za ostvarivanje finansijske pomoći za održivi povratak za povratnike u i van Kantona Sarajevo omogućilo realizaciju projekata izgradnje, sanacije i rekonstrukcije infrastrukture u mjestu povratka, manje popravke stambenih jedinica, razvoj poljoprivrede za potrebe korisnika i članova njegovog domaćinstva, nabavka prehrambenih artikala, kupovina školskog pribora i knjiga, te druge namjene važne za održivi povratak.

Pravo na aplikaciju su imali povratnici, a među njima posebno kategorije socijalno ugroženih, osobe s invaliditetom i članovi njihovih porodica, samohrani roditelji, usvojitelji, staratelji ili hranitelji porodice, porodice šehida i poginulih boraca, porodice nestalih osoba, civilne žrtve rata i članovi njihovih porodica, te bivši logoraši.

Dodijeljeno je 39 finansijskih pomoći općinama, udruženjima i fizičkim licima-povratnicima.

Nastavljane su aktivnosti na jačanju efikasnosti uspostavljenog sistema readmisije u Kantonu Sarajevo putem readmisionih timova formiranim u svim općinama Kantona Sarajevo kao i na nivou Kantona Sarajevo. Lokalni timovi i kantonalni tim uspješno funkcionišu.

Kada je u pitanju **Plan povratka u i iz Kantona Sarajevo za 2022. godinu**, Ministarstvo za rad, socijalnu politiku, raseljena lica i izbjeglice Kantona Sarajevo u 2022. godini planira realizaciju projekata obnove stambenih jedinica i održivog povratka, u svrhu stvaranja uslova za povratak raseljenih porodica na prijeratne adrese prebivališta, preferirajući korisnike svih vidova alternativnog smještaja, kako na području Kantona Sarajevo tako i iz Kantona Sarajevo na ostale prostore Bosne i Hercegovine.

Aktivnosti Ministarstva u 2022. godini će biti usmjerene na:

- povratak porodica sa priznatim statusom raseljenog lica u svoje prijeratne domove u i van Kantona Sarajevo koji bi trebalo da se saniraju/obnove/izgrade uz pomoć svih nivoa vlasti i nevladinih organizacija u projektima "ključ u ruku" ili doniranja građevinskog materijala, budući da na području Kantona Sarajevo zaključno sa 31.12.2021. godine još uvijek privremeno boravi 2.495 raseljenih lica (1.137 porodica).

- obezbjeđenje održivog povratka u i van Kantona Sarajevo, kako bi povratničke porodice obezbjedile egzistenciju i ostale na svojim prijeratnim adresama stanovanja;

- nastavak realizacije Projekta izgradnje objekta kolektivnog stanovanja/zgrade, lokalitet Šip, općina Centar, za stambeno zbrinjavanje interno raseljenih porodica i porodica u stanju socijalne potrebe – II faza, u okviru kojeg je planirana izgradnja 24 stana. Ovim projektom trajno bi se završilo stambeno zbrinjavanje interno raseljenih porodica sa područja općine Centar Sarajevo;

- nastavak implementacije Projekta CEB II - "Zatvaranje kolektivnih centara i alternativnog smještaja na području Bosne i Hercegovine", u okviru kojeg su na području Kantona Sarajevo planirani podprojekti i to:

a) Rekonstrukcija objekta kolektivnog centra u Hrasnici, općina Ilidža, u okviru koje je planirana izgradnja 33 stana. Zatvorio bi se posljednji Kolektivni centar u Kantonu Sarajevo, a sve porodice koje su boravile u Kolektivnom centru uselit će u rekonstruisani objekat u novoizgrađene stanove;

b) Izgradnja objekta kolektivnog stanovanja/zgrade sa 9 stanova u Tarčinu, općina Hadžići za raseljene porodice i porodice u stanju socijalne potrebe. Raseljene porodice koje još uvijek ne mogu da se vrate u svoje prijeratne domove, privremeno će biti smještene u novoizgrađeni objekat i eventualno porodice u stanju socijalne potrebe koje nisu u mogućnosti da same riješe svoje stambeno pitanje;

- obezbjeđenje zdravstvene zaštite za raseljene porodice koje nisu osigurane ni po kojem drugom osnovu, porodice koje nisu riješile povratak u svoje prijeratne domove, a nisu riješile niti ostanak u općinama privremenog trenutnog boravka;

- praćenje izvršavanja obaveza korisnika alternativnog smještaja u smislu odgovornog korištenja dodijeljene stambene jedinice i redovnog plaćanja troškova komunalnih usluga koje su definisane potpisanim ugovorima o privremenom korištenju dodijeljenog smještaja,

- nastavak realizacije Projekta "Podrška sistemu prihvata i integracije državljana Bosne i Hercegovine koji se vraćaju po osnovu sporazuma o readmisiji",

- provođenje mjera i aktivnosti iz "Strategije za prihvata i integraciju državljana Bosne i Hercegovine, koji se vraćaju po osnovu sporazuma o readmisiji i Akcionog plana 2019.-2022. godina, što, između ostalog, podrazumijeva:

a) aktivnosti na obezbjeđenju kontinuiranog prihvata, proprata i zbrinjavanja osoba po osnovu sporazuma o readmisiji;

b) organizovanje radionica za obuke lokal readmisionih timova i povjerenika iz općina Kantona Sarajevo,

c) kontinuiran rad na bazama i sistemu upravljanja podacima o readmisiji – RDMIS,

d) prikupljanje i ažuriranje podataka i izvještaja lokal readmisionih timova i povjerenika vezano za readmisiju;

- aktivan doprinos u suočavanju sa migrantskom krizom u saradnji sa drugim nivoima vlasti u dijelu nadležnosti Ministarstva.

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**Ministarstvo za rad, socijalnu politiku,**  
**raseljena lica i izbjeglice**

**I Z V J E Š T A J**  
**O REALIZACIJI PLANA POVRATKA U I IZ KANTONA SARAJEVO**  
**ZA PERIOD 01.01. – 31.12.2021. GODINE, SA OSVRTOM NA PROBLEMATIKU**  
**OBEZBJEĐENJA ALTERNATIVNOG-PRIVREMENOG SMJEŠTAJA**  
**I**  
**PLAN POVRATKA U I IZ KANTONA SARAJEVO ZA 2022. GODINU**

**Sarajevo, februar 2022. godine**



**I Z V J E Š T A J**  
**O REALIZACIJI PLANA POVRATKA U I IZ KANTONA SARAJEVO**  
**ZA PERIOD 01.01. – 31.12.2021. GODINE, SA OSVRTOM NA PROBLEMATIKU**  
**OBEZBJEĐENJA ALTERNATIVNOG-PRIVREMENOG SMJEŠTAJA**

**I**  
**PLAN POVRATKA U I IZ KANTONA SARAJEVO ZA 2022. GODINU**

Izrada Izvještaja o realizaciji Plana povratka u i iz Kantona Sarajevo za period 01.01. – 31.12.2021. godine sa osvrtom na problematiku obezbjeđenja alternativnog – privremenog smještaja i Plan povratka u i iz Kantona Sarajevo za 2022. godinu je programski zadatak planiran Programom rada Ministarstva za rad, socijalnu politiku, raseljena lica i izbjeglice Kantona Sarajevo (u daljem tekstu Ministarstvo), Programom rada Vlade Kantona Sarajevo i Programom rada Skupštine Kantona Sarajevo za 2022. godinu. za 2022. godinu.

Ministarstvo po pitanju rješavanja prava raseljenih lica primjenjuje propise i druge akte koji regulišu ovu oblast: Zakon o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije BiH", broj 15/05); Zakon o raseljenim osobama-prognanicima i izbjeglicama-povratnicima u Kanton Sarajevo ("Službene novine Kantona Sarajevo", broj 27/05 – Prečišćeni tekst); Zakon o pravima lica koja se iz Kantona Sarajevo vraćaju u mjesta prijeratnog prebivališta ("Službene novine Kantona Sarajevo", br. 18/13 i 26/13); Zakon o humanitarnoj djelatnosti i humanitarnim organizacijama ("Službene novine Federacije BiH", broj 35/98); Zakon o udrugama i fondacijama ("Službene novine Federacije BiH", broj 45/02) ; Uredba o načinu ostvarivanja pomoći za održivi povratak ("Službene novine Kantona Sarajevo", br. 3/14, 30/17 i 43/19), Uputstvo o vođenju osnovne i centralne evidencije raseljenih lica i povratnika i obrascu legitimacije raseljenih lica u Federaciji Bosne i Hercegovine ("Službene novine Federacije BiH", broj 50/05); Uputstvo o načinu i procedurama odabira projekata povratka i rekonstrukcije stambenih jedinica ("Službeni glasnik Bosne i Hercegovine", broj 74/12); Standardi za obnovu i izgradnju stambenih jedinica i objekata u svrhu zbrinjavanja povratnika ("Službeni glasnik Bosne i Hercegovine", broj 74/12).

Ovaj izvještaj je takode baziran na podacima prikupljenim od nadležnih institucija (Federalnog ministarstva raseljenih osoba i izbjeglica, općina u Bosni i Hercegovini) i međunarodnih humanitarnih organizacija imajući u vidu da ovo ministarstvo vrši sveobuhvatno praćenje stanja broja raseljenih lica u Kantonu Sarajevo i shodno relevantnim podacima poduzima zakonom propisane mjere i aktivnosti na smanjenju broja lica sa priznatim statusom raseljenog lica.

U Izvještaju su prezentirani podaci o:

- I – Raseljenim licima na dan 31.12.2021. godine i broju korisnika alternativnog smještaja;
- II – Aktivnostima u oblasti povratka u Kanton Sarajevo,
- III – Aktivnostima na povratku iz Kantona Sarajevo na ostale prostore Bosne i Hercegovine,
- IV – Aktivnostima vezanim za podršku održivom povratku.

## **I – Podaci o raseljenim licima na dan 31.12.2021. godine**

Na području Kantona Sarajevo na dan 31.12.2021. godine evidentirano je 2.495 lica (1.137 porodica) sa priznatim statusom raseljenog lica, od čega 281 lice (103 porodice) sa prijeratnim prebivalištem u općinama Kantona Sarajevo; 80 lica (37 porodica) iz drugih kantona Federacije Bosne i Hercegovine i iz drugog entiteta 2.134 lica (997 porodica).

U poređenju sa brojem raseljenih lica/porodica na dan 31.12.2020. godine (kada je bilo evidentirano 2.527 lica (1.161 porodica) vidljivo je da je broj porodica sa priznatim statusom raseljenog lica na dan 31.12.2021. godine manji za 32 lica (24 raseljene porodice) .

Izraženo u procentima smanjenje broja raseljenih lica u izvještajnom periodu, na godišnjem nivou, iznosi 1,27 %.

Smanjenje broja raseljenih lica u izvještajnom periodu rezultiralo je ukidanjem statusa licima za koja je utvrđeno da posjeduju uslovnu stambenu imovinu u mjestu privremenog boravka na području Kantona Sarajevo.

U kontinuiranoj saradnji sa nadležnim službama općina Kantona Sarajevo, a na traženje Ministarstva, dostavljaju se i izvještaji o stečenoj imovini raseljenih lica u Kantonu Sarajevo, na bazi kojih se inicira pokretanje postupka o ukidanju statusa raseljenog lica, što u krajnoj rezultanti i utiče na smanjenje broja raseljenih lica u Kantonu Sarajevo.

Zaključno sa 31.12.2021. godine za 169 lica (59 porodica) je obezbijeđen privremeni smještaj, kako slijedi:

- 62 lica (23 porodice) koje su bile smještene u objektu Kolektivnog centra u Hrasnici (31 lice (13 raseljenih porodica) i 31 lice (10 porodica u stanju socijalne potrebe) sada su smještene na slijedeći način: 4 porodice koriste privremeni smještaj u socijalnim stanovima u naselju Otes; za 18 porodica Ministarstvo plaća stanarinu/kiriju i 1 porodica (samac) je smješten u KJU “Gerontološki centar”.

- 17 lica (4 raseljena porodice) koriste stanove za koje nije podnesen zahtjev za povrat imovine;

- za 73 lica (24 porodice) smještaj je obezbijeđen u stambenoj zgradi u Ilijašu (38 lica (13 raseljenih porodica) i 35 lica (11 porodica u stanju socijalne potrebe) i

- za 18 lica (9 porodica) sa statusom „žena-žrtva rata“ smještaj je obezbijeđen u stambenoj zgradi u Tarčinu, općina Hadžići.

Pored navedenog alternativnog smještaja, Ministarstvo je nastavilo kontinuiranu brigu u segmentu tekućeg tehničkog održavanja (redovna dezinfekcija, dezinfekcija, deratizacija, održavanje dimnjaka, PP aparata, hidranata, ispravnosti i atesta elektroinstalacija i dr.) u svim stambenim objektima u koje su smješteni korisnici, a koji su vlasništvo Kantona Sarajevo.

U izvještajnom periodu finansirani su troškovi zdravstvene zaštite mjesečno u prosjeku za 204 raseljena lica koja nisu zdravstveno osigurana po drugom pravnom osnovu.

## **II – Aktivnosti u oblasti povratka u Kanton Sarajevo**

U izvještajnom periodu nastavljene su aktivnosti na realizaciji Projekta “Izgradnja objekta kolektivnog stanovanja, lokalitet Šip, Općina Centar za stambeno zbrinjavanje interno raseljenih porodica i porodica u stanju socijalne potrebe – II faza” do nivoa useljenja.



Realizacijom ovog projekta će se izgraditi 24 stana za stambeno zbrinjavanje interno raseljenih porodica i porodica u stanju socijalne potrebe sa područja Općine Centar Sarajevo.

Projekat sufinansiraju Ministarstvo za rad, socijalnu politiku, raseljena lica i izbjeglice Kantona Sarajevo i Općina Centar Sarajevo; implementator je Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, a nadzorni organ je Zavod za izgradnju Kantona Sarajevo. U toku su radovi na izgradnji objekta.

Početkom 2022. godine planirano je održavanje sastanka svih učesnika u realizaciji projekta, na kojem bi se riješilo pitanje vanjskog uređenja oko objekta, koje treba da finansira Općina Centar Sarajevo, kako se ne bi kasnilo sa izvođenjem radova. Završetak svih radova planiran je u 2022. godini.

Provodile su se aktivnosti na provođenju državnog projekta “Zatvaranje kolektivnih centara kroz omogućavanje javnih stambenih rješenja” u okviru Projekta CEB II – podprojekat Kanton Sarajevo, rekonstrukcija objekta Kolektivnog centra u Hrasnici, Općina Ilidža.

Podprojekat se finansira od strane Ministarstva za rad, socijalnu politiku, raseljena lica i izbjeglice Kantona Sarajevo (učesće sa zemljištem i objektom) i kreditnim CEB sredstvima putem Federalnog ministarstva raseljenih osoba i izbjeglica koje je i Implementator Projekta.

Radovi su u toku, počeli su početkom juna 2021. godine.

Realizacijom ovog projekta izgradit će se 33 stana u koje će biti useljene raseljene porodice i porodice u stanju socijalne potrebe tj. svi korisnici Kolektivnog centra do dana početka rekonstrukcije (u međuvremenu im se plaća stanarina/kirija dok se ne steknu uslovi za useljenje) i jedan broj porodica koje koriste neki od vidova alternativnog smještaja na području Kantona Sarajevo. Završetak radova planiran je u 2022. godini. Završetkom realizacije ovog projekta zatvorio bi se posljednji Kolektivni centar u Kantonu Sarajevo.

Pored navedenog Podprojekta u okviru CEB II Projekta, u 2021. godini, aktivno se radilo i na realizaciji podprojekta u Tarčinu “Izgradnja stambene zgrade u Tarčinu-Općina Hadžići”, u okviru kojeg je planirana izgradnja 9 stanova.

Projekat se finansira od strane Ministarstva za rad, socijalnu politiku, raseljena lica i izbjeglice Kantona Sarajevo (učesće sa zemljištem) i kreditnim CEB sredstvima putem Federalnog ministarstva raseljenih osoba i izbjeglica koje je i Implementator Projekta.

U toku su aktivnosti oko uplate rente za stambenu zgradu koja treba da se izgradi, nakon čega će se u Općini Hadžići predati zahtjev za dobijanje Rješenja za građenje (Građevinska dozvola), a zatim slijedi raspisivanje tendera za izbor najpovoljnijeg izvođača radova.

U okviru Državnog projekta stambenog zbrinjavanja u Bosni i Hercegovini – Regionalni stambeni program, podprojekat Državnog projekta stambenog zbrinjavanja u Bosni i Hercegovini 2-F-I-296 koji implementira Federalno ministarstvo raseljenih osoba i izbjeglica, jednoj raseljenoj porodici sanirana je i uslovna za stanovanje stambena jedinica u općini Ilijaš, za koju će Ministarstvo početkom 2022. godine pokrenuti postupak ukidanja statusa raseljenog lica.

### **III – Aktivnosti na povratku iz Kantona Sarajevo na ostale prostore Bosne i Hercegovine**

U izvještajnom periodu iz Kantona Sarajevo na ostale prostore Bosne i Hercegovine nije registrovan ni jedan povratak iz razloga što za ovu namjenu nisu bila odobrena finansijska sredstva u Budžetu Kantona Sarajevo na poziciji ovog ministarstva.

Prema podacima dobijenim od strane općina povratka, korisnicima koji u Kantonu Sarajevo imaju priznat status raseljenog lica, u toku 2021. godine dodijeljene su donacije kako slijedi:

- Na području opštine Višegrad, u okviru projekta Regionalno stambeno zbrinjavanje – podprojekat Državnog projekta stambenog zbrinjavanja DPSZ-BIH5 za izgradnju po sistemu "ključ u ruke", u aprilu 2020. godine je počela i još uvijek nije završena izgradnja stambenih jedinica za 2 (dvije) raseljene porodice koje trenutno borave na području Kantona Sarajevo;

- Na području opštine Sokolac u okviru istog projekta kao u opštini Višegrad, u toku 2020. godine počela je i još uvijek nije završena izgradnja stambenih jedinica za 2 (dvije) raseljene porodice koje trenutno borave na području Kantona Sarajevo. Izvršen je uviđaj na terenu, urađena stručna mišljenja i urbanističko-tehnički uslovi, urađena projektna dokumentacija-Glavni projekti i izvršena revizija projektne dokumentacije. Realizacija radova očekuje se u 2022. godini;

- Na području opštine Foča počela je završna faza obnove i rekonstrukcije stambenih jedinica po projektu RSP BiH, podprojekat BH5, Ministarstva za ljudska prava i izbjeglice u okviru kojeg će za 8 raseljenih porodica biti sanirane/izgrađene stambene jedinice.

- Na području općine Konjic je obnovljena/izgrađena stambena jedinica za jednu raseljenu porodicu u okviru Projekta rekonstrukcije stambenog fonda – Saudijskog fonda za razvoj SDF, na osnovu potpisanog Kreditnog sporazuma između Bosne i Hercegovine i Saudijskog fonda za razvoj.

Ministarstvo će tokom 2022. godine pratiti implementaciju navedenih donacija i nakon potvrde o završetku istih, kod nadležnih općinskih službi u općinama u Kantonu Sarajevo pokrenuti postupak ukidanja statusa raseljenog lica, tako da će efekti smanjenja broja raseljenih lica kroz navedene donacije biti evidentirani u Izvještaju za 2022. godinu.

#### **IV – Aktivnosti vezane za podršku održivom povratku**

Kada je u pitanju podrška održivom povratku Ministarstvo je u 2021. godini dodjelom finansijskih sredstava, kroz implementaciju objavljenog Javnog poziva za podnošenje prijave za ostvarivanje finansijske pomoći za održivi povratak za povratnike u i van Kantona Sarajevo, omogućilo realizaciju projekata izgradnje, sanacije i rekonstrukcije infrastrukture u mjestu povratka, manje popravke stambenih jedinica, razvoj poljoprivrede za potrebe korisnika i članova njegovog domaćinstva, nabavka prehrambenih artikala, kupovina školskog pribora i knjiga, te druge namjene važne za održivi povratak.

Pravo na aplikaciju su imali povratnici, a među njima posebno kategorije socijalno ugroženih, osobe s invaliditetom i članovi njihovih porodica, samohrani roditelji, usvojitelji, staratelji ili hranitelji, porodice šehida i poginulih boraca, porodice nestalih osoba, civilne žrtve rata i članovi njihovih porodica, te bivši logoraši.

Za ovu namjenu Ministarstvo je utrošilo sredstva u iznosu od 407.498.00 KM.

Ukupno 39 podnosilaca zahtjeva (povratničke općine, udruženja i povratničke porodice) su dobili finansijsku pomoć za sanaciju infrastrukture (struja, vodovodi i putevi), nabavku sadnog materijala, nabavku školskog pribora, kupovinu poljoprivrednih mašina, kupovinu krupne i sitne stoke, sanaciju vjerskih objekata i manje popravke stambenih jedinica.

## PLAN POVRATKA U I IZ KANTONA SARAJEVO ZA 2022. GODINU

Ministarstvo za rad, socijalnu politiku, raseljena lica i izbjeglice Kantona Sarajevo u 2022. godini planira realizaciju projekata obnove stambenih jedinica i održivog povratka, u svrhu stvaranja uslova za povratak raseljenih porodica na prijeratne adrese prebivališta, preferirajući korisnike svih vidova alternativnog smještaja, kako na području Kantona Sarajevo tako i iz Kantona Sarajevo na ostale prostore Bosne i Hercegovine.

Aktivnosti Ministarstva u 2022. godini će biti usmjereni na:

- povratak porodica sa priznatim statusom raseljenog lica u svoje prijeratne domove u i van Kantona Sarajevo koji bi trebalo da se saniraju/obnove/izgrade uz pomoć svih nivoa vlasti i nevladinih organizacija u projektima "ključ u ruku" ili doniranja građevinskog materijala, budući da kako na području Kantona Sarajevo zaključno sa 31.12.2021. godine još uvijek privremeno boravi 2.495 lica (1.137 raseljenih porodica).

- obezbjeđenje održivog povratka u i van Kantona Sarajevo, kako bi povratničke porodice obezbijedile egzistenciju i ostale na svojim prijeratnim adresama stanovanja;

- nastavak realizacije Projekta izgradnje objekta kolektivnog stanovanja/zgrade, lokalitet Šip, općina Centar, za stambeno zbrinjavanje interno raseljenih porodica i porodica u stanju socijalne potrebe – II faza, u okviru kojeg je planirana izgradnja 24 stana. Ovim projektom trajno bi se završilo stambeno zbrinjavanje interno raseljenih porodica sa područja općine Centar Sarajevo;

- nastavak implementacije Projekta CEB II - "Zatvaranje kolektivnih centara i alternativnog smještaja na području Bosne i Hercegovine", u okviru kojeg su na području Kantona Sarajevo planirani Podprojekti i to:

- a) Rekonstrukcija objekta kolektivnog centra u Hrasnici, općina Ilidža, u okviru koje je planirana izgradnja 33 stana. Zatvorio bi se posljednji Kolektivni centar u Kantonu Sarajevo, a sve porodice koje su boravile u Kolektivnom centru uselit će u rekonstruisani objekat u novoizgrađene stanove;

- b) Izgradnja objekta kolektivnog stanovanja/zgrade sa 9 stanova u Tarčinu, općina Hadžići za raseljene porodice i porodice u stanju socijalne potrebe. Raseljene porodice koje još uvijek ne mogu da se vrate u svoje prijeratne domove, privremeno će biti smještene u novoizgrađeni objekat i eventualno porodice u stanju socijalne potrebe koje nisu u mogućnosti da same riješe svoje stambeno pitanje;

- obezbjeđenje zdravstvene zaštite za raseljene porodice koje nisu osigurane ni po kojem drugom osnovu, porodice koje nisu riješile povratak u svoje prijeratne domove a nisu riješile niti ostanak u općinama privremenog trenutnog boravka;

- praćenje izvršavanja obaveza korisnika alternativnog smještaja u smislu odgovornog korištenja dodijeljene stambene jedinice i redovnog plaćanja troškova komunalnih usluga koje su definisane potpisanim ugovorima o privremenom korištenju dodijeljenog smještaja,

- nastavak realizacije Projekta "Podrška sistemu prihvata i integracije državljana Bosne i Hercegovine koji se vraćaju po osnovu sporazuma o readmisiji",

- provođenje mjera i aktivnosti iz "Strategije za prihvata i integraciju državljana Bosne i Hercegovine, koji se vraćaju po osnovu sporazuma o readmisiji i Akcionog plana 2019.-2022. godina, što, između ostalog, podrazumijeva:

- aktivnosti na obezbjeđenju kontinuiranog prihvata, proprata i zbrinjavanja osoba po osnovu sporazuma o readmisiji,
- organizovanje radionica za obuke lokal readmisionih timova i povjerenika iz općina Kantona Sarajevo,
- kontinuiran rad na bazama i sistemu upravljanja podacima o readmisiji – RDMIS,
- prikupljanje i ažuriranje podataka i izvještaja lokal readmisionih timova i povjerenika vezano za readmisiju,
- aktivan doprinos u suočavanju sa migrantskom krizom u saradnji sa drugim nivoima vlasti u dijelu nadležnosti Ministarstva.

## ZAKON

### O ORGANIZACIJI ORGANA UPRAVE U FEDERACIJI BOSNE I HERCEGOVINE

#### I OSNOVNE ODREDBE

##### Član 1.

Ovim Zakonom uređuje se organizacija i način funkcioniranja organa državne uprave u Federaciji Bosne i Hercegovine (u daljnjem tekstu: Federacija) koja obuhvata: položaj, ulogu, ustrojstvo, ovlaštenja i obaveze u obavljanju upravnih, stručnih i drugih poslova, međusobne odnose organa uprave i odnos organa uprave prema građanima, organima izvršne i zakonodavne vlasti, ombudsmenima, privrednim društvima i drugim pravnim licima (u daljnjem tekstu: pravno lice), kao i druga pitanja od značaja za organizaciju i rad organa državne uprave na svim nivoima vlasti u Federaciji.

##### Član 2.

Organi državne uprave Federacije, kantona, grada i općina (u daljnjem tekstu: organi uprave) osnivaju se za obavljanje upravnih, stručnih i drugih poslova koji se zakonom i drugim propisima stavljaju u njihovu nadležnost.

Odredene upravne poslove mogu obavljati i pravna lica kada im je zakonom, odnosno odlukom općinskog i gradskog vijeća povjereno vršenje javnih ovlaštenja na način predviđen ovim Zakonom.

##### Član 3.

Organi uprave dužni su u svom radu osigurati efikasno i potpuno ostvarivanje svih prava i sloboda građana koja su predviđena u Ustavu Federacije Bosne i Hercegovine (u daljnjem tekstu: Ustav Federacije) i u aktima navedenim u Aneksu Ustava Federacije Bosne i Hercegovine (u daljnjem tekstu: Aneks).

Organi uprave dužni su u poslovima iz svoje nadležnosti saradivati sa svim međunarodnim posmatračkim tijelima za ljudska prava koja su osnovana za Bosnu i Hercegovinu i Federaciju, kao i sa nadzornim organima koji su osnovani na osnovu međunarodnih dokumenata navedenih u Aneksu.

##### Član 4.

Rad organa uprave zasniva se na: načelu zakonitosti, transparentnosti, javnosti, odgovornosti, efikasnosti, ekonomičnosti, profesionalnoj nepristrasnosti i političkoj nezavisnosti, ukoliko za određene izuzetne situacije za neke od ovih načela zakonom nije drugačije određeno.

Organi uprave poslove uprave iz svoje nadležnosti obavljaju samostalno u granicama ovlaštenja utvrdjenih u ustavu, zakonu i drugim propisima.

##### Član 5.

Nadležnost federalnih i kantonalnih organa uprave i upravnih organizacija utvrđuje se zakonom kojim se uređuje određena upravna oblast, a nadležnost općinskih i gradskih organa uprave utvrđuje se odlukama općinskog, odnosno gradskog vijeća kojima se uređuju poslovi lokalne samouprave općine, odnosno grada.

Kantonalni, općinski i gradski organi nadležni su da obavljaju i upravne i stručne poslove koji se federalnim, odnosno kantonalnim zakonom delegiraju ili prenesu na kanton, općinu, odnosno grad.

##### Član 6.



odnosno općinskog vijeća, u skladu sa zakonom, prenesena da o njima odlučuju pravna lica sa javnim ovlaštenjima.

#### Član 18.

Inspeksijski nadzor organi uprave, odnosno posebne uprave za inspekcije vrše tako što ostvaruju neposredan uvid u zakonitost rada, poslovanja i postupanja pravnih lica i građana u pogledu pridržavanja zakona i drugih propisa, te preduzimaju upravne i druge mjere za koje su ovlašteni zakonom, odnosno propisom gradskog, ili općinskog vijeća, kao i kontrolu zakonitog postupanja organa uprave u obavljanju upravnih poslova iz njihove nadležnosti.

Inspeksijski nadzor vrše inspekcije organa uprave, kao i inspekcije koje su posebnim zakonom organizirane u okviru posebnih uprava za inspekcije.

#### 4. Donošenje podzakonskih propisa

##### Član 19.

Organi uprave donose podzakonske propise predviđene ovim Zakonom kada su na to zakonom izričito ovlašteni.

#### 5. Pripremanje propisa i davanje preporuka iz oblasti zakonodavstva

##### Član 20.

Organi uprave dužni su da u poslovima iz svoje nadležnosti pripremaju zakone i druge propise kada o tome odluči organ zakonodavne ili izvršne vlasti, odnosno kada samostalno ocijene da je potrebno donijeti zakon ili drugi propis, ili treba izvršiti izmjene i dopune zakona ili drugog propisa iz oblasti za koju su nadležni.

Organi uprave imaju obavezu dati preporuku organu zakonodavne ili izvršne vlasti da je potrebno donijeti zakon ili drugi propis u određenoj upravnoj oblasti i obrazložiti ciljeve koji se žele postići donošenjem tog propisa.

##### Član 21.

Prilikom izrade zakona i drugih propisa organi uprave obavezni su pribavljati mišljenja od drugih organa uprave ako se tim propisima reguliraju pitanja iz nadležnosti tih organa uprave, a prema potrebi mišljenja se mogu pribavljati i od odgovarajućih stručnih ustanova i zainteresiranih pravnih lica, ako je to mišljenje od značaja za uređivanje odgovarajućih pitanja iz njihove nadležnosti.

Ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.

#### 6. Davanje odgovora na pitanja organa zakonodavne i organa izvršne vlasti i pravnih i fizičkih lica

##### Član 22.

Organi uprave obavezni su pripremati i davati odgovore na pitanja organa zakonodavne, odnosno organa izvršne vlasti koja se odnose na izvršavanje zakona i drugih propisa iz njihove nadležnosti, te o stanju i problemima u oblasti za koju su organi uprave osnovani, kao i davati odgovore na pitanja pravnih i fizičkih lica u vezi sa rješavanjem njihovih prava i dužnosti u upravnom postupku.

#### 7. Praćenje stanja u oblastima za koje su organi uprave osnovani i odgovornost za stanje u tim oblastima

##### Član 23.

Praćenje stanja u oblastima za koje su organi uprave osnovani odnosi se prvenstveno na stanje izvršavanja zakona i drugih propisa, što se utvrđuje na osnovu podataka koje sami prikupljaju na način predviđen zakonom ili drugim propisom, kao i podataka koje na njihov zahtjev prikupljaju, obrađuju i dostavljaju drugi organi i pravna lica i



utvrđeni stanje i nastale posljedice, te u veći sa rješavanjem utvrđenih problema preduzimaju mjere za koje su ovlašteni.

Na osnovu podataka iz stava 1. ovog člana organi uprave izrađuju analitičke, informativne i druge materijale koje dostavljaju nadležnim izvršnim i zakonodavnim organima vlasti na razmatranje u cilju upoznavanja tih organa sa stanjem u određenoj oblasti i potrebom preduzimaju odgovarajućih mjera.

#### Član 24.

Organi uprave odgovorni su, u okviru svoje nadležnosti, za stanje u oblastima za koje su osnovani i to u pogledu izvršavanja zakona i drugih propisa i zakonitost upravnih i drugih akata koji se donose u izvršavanju tih propisa, kao i za tačnost i ažurnost podataka koja podnose nadležnim zakonodavnim i izvršnim organima vlasti i za tačnost i ažurnost podataka o kojima, na osnovu zakona i drugog propisa, vode propisane službene evidencije.

U osivarivanju odgovornosti iz stava 1. ovog člana organi uprave Federacije, odnosno kantona dužni su redovno u određenim vremenskim periodima informirati Vladu Federacije, odnosno vladu kantona o stanju i problemima i mjerama koje bi trebalo preduzimati, a gradski, odnosno općinski organi uprave o tom stanju informiraju gradonačelnika, odnosno općinskog načelnika.

Kada se u određenoj oblasti ne izvršavaju zakoni i drugi propisi, organi uprave dužni su odmah preduzeti konkretne mjere za koje su ovlašteni, odnosno organima iz stava 2. ovog člana predložiti preduzimanje odgovarajućih hitnih mjera iz njihove nadležnosti za rješavanje tih problema u skladu sa zakonom.

#### Član 25.

Ako se u analitičkim, informativnim ili drugim materijalima koje pripremaju organi uprave zahtijevaju materijalni izdaci, organi uprave obavezni su u obrazloženju tih materijala iskazati orijentacijski iznos finansijskih sredstava koja su potrebna za provođenje tih materijala i odrediti izvore iz kojih treba osigurati ta sredstva.

### III. POVJERAVANJE JAVNIH OVLAŠTENJA PRAVNIM LICIMA NA RJEŠAVANJE

#### Član 26.

Određeni upravni i stručni poslovi iz nadležnosti organa uprave mogu se povjeravati na vršenje pravnim licima (u daljnjem tekstu: pravna lica sa javnim ovlaštenjima) kada je to prikladno i kada se time postiže efikasnije ostvarivanje određenih prava i obaveza građana i pravnih lica.

Povjeravanje javnih ovlaštenja iz stava 1. ovog člana, vrši se federalnim zakonom za upravne i stručne poslove iz nadležnosti federalnih organa uprave, a zakonom kantona kada se radi o tim poslovima iz nadležnosti kantonalnih organa uprave, dok se odlukom gradskog, odnosno općinskog vijeća povjeravanje javnih ovlaštenja može vršiti za određene upravne i stručne poslove iz djelokruga lokalne samouprave grada, odnosno općine.

Pravnim licima sa javnim ovlaštenjima ne mogu se povjeravati poslovi inspekcijiskog nadzora, osim stručnih poslova koji su od značaja za vršenje inspekcijiskog nadzora kao što su ekspertize, tehnička ispitivanja i sl., ili su za vršenje tih poslova potrebna posebna stručna znanja (tehnička i druga struka), ili ako je potrebna primjena naučnih ili posebnih stručnih metoda koje se mogu osigurati samo posebnom opremom (laboratorija i dr.), a za koje u organu uprave ne postoje kadrovske, tehničke i druge mogućnosti za vršenje tih poslova.

#### Član 27.

Na pravna lica sa javnim ovlaštenjima, u odnosu na vršenje pitanja iz javnih ovlaštenja shodno se primjenjuju načela utvrđena u članu 4. ovog Zakona.

Zakonom, odnosno odlukom gradskog i općinskog vijeća, kojima se povjeravaju javna ovlaštenja određuje se način vršenja javnih ovlaštenja iz člana 26. ovog Zakona, kao i ovlaštenja i obaveze organa uprave u pogledu vršenja upravnog nadzora u odnosu na vršenje prenesenih javnih ovlaštenja od pravnih lica sa javnim ovlaštenjima.